



Broj: UP09-07-1-1370/17  
Sarajevo, 28.8.2017. godine

Ministarstvo pravde Bosne i Hercegovine, rješavajući Zahtjev osnivača Udruženja „BIM ALIJANSA“, zastupano po punomoćniku, Alečković Kemal, advokatu iz Sarajeva, za upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav 1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 44/10 i 14/12), d o n o s i

### R J E Š E N J E

1. U Registar udruženja kod Ministarstva pravde Bosne i Hercegovine, pod registarskim brojem 2078 Knjiga I Registra sa danom 28.8.2017. godine, upisuje se Udruženje pod nazivom:
  - a) Udruženje „BIM ALIJANSA“  
Udruga „BIM ALIJANSA“  
Удружење „БИМ АЛИЈАНСА“
  - b) Udruženje ima naziv i na engleskom jeziku:  
Association BIM Alliance
2. Sjedište Udruženja je Sarajevo, ulica Skenderpašina br.1
3. Udruženje ima svoj znak.  
Znak Udruženja su stilizovane tri crvene trake presavijene pod uglom od 45°, a u nastavku crnim slovima pise Udruženje BIM alijansa.
4. Ciljevi i djelatnosti Udruženja su:  
Podrška inicijativama koje vode ka omasovljavanju, primjeni i razumijevanju upotrebe Building Information Modeling (U daljem tekstu:BIM) u procesima kreiranja dokumentacije u svim fazama razvoja planova za gradnju građevinskih objekata; promovisanje suradnje između tri sektora društva: javne uprave; poslovnog sektora i neprofitnog sektora na implementaciji projekata uz korištenje BIM-a; promovisanje saradnje između lokalnih vlasti i organizacija i preduzeća s ciljem pružanja podrške u popularizaciji korištenja BIM-a; promovisanje BIM standarda i pretpostavki koje će poboljšati status Bosne i Hercegovine u procesu europskih integracija; organizovanje kampanja javnog zastupanja kroz projekte savjetovanja građana o BIM standardima; kreiranje i koordinacija projekata koji afirmišu znanje iz oblasti arhitekture uz korištenje BIM-a i osposobljenosti organizacija i pojedinaca u toj oblasti; rad na edukaciji u svrhu povećanja broja osposobljenih profesionalaca za sve nivoe korištenja BIM-a; fokusiranje rada na edukativne programe, inicijative i kampanje s ciljem promovisanja principa i metodologija BIM-a; rad na poboljšanju komunikacije vezanog za upotrebu BIM-a između privatnog sektora i javnog sektora; uspostavljanje međunarodne saradnje na naučno-stručnom planu u svrhu internacionalizacije BIM metoda i procesa stvaranja i upravljanja projektnim podacima; organiziranje seminara, konferencija, kreativnih radionica i tribina radi ostvarivanja ciljeva i djelatnosti Udruženja; izdavanje časopisa, brošura, knjiga i drugih publikacija radi o stvarivanja ciljeva Udruženja, za potrebe članstva na način predviđen Zakonom; razmjena iskustva sa istim ili sličnim udruženjima u Bosni i Hercegovini i inostranstvu.
5. Lice ovlašteno za zastupanje Udruženja je Muhamed Serdarević, predsjednik Udruženja.

6. Danom upisa u Registar udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registriranim nazivom.
7. Ovo rješenje će se objaviti u „Službenom glasniku BiH“, o trošku podnosioca zahtjeva i na internetskoj stranici Ministarstva.

### O b r a z l o ž e n j e

Osnivači Udruženja „BIM ALIJANSA“, zastupani po punomoćniku, Alečković Kemalu, advokatu iz Sarajeva, podnijeli su 29.6.2017. godine, zahtjev za upis u Registar udruženja kod Ministarstva pravde Bosne i Hercegovine.

U toku postupka registracije, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju. Ministarstvo je aktom broj: UP09-07-1-1370/17 od 4.8.2017. godine zatražilo ispravku i dopunu zahtjeva.

Podnosilac zahtjeva je podnescima od 29.6. i 25.8.2017. godine uredio zahtjev i priložio sljedeću dokumentaciju: Punomoć za Alečković Kemala od 22.6.2017. godine; ovjerene kopije Aktuelnog Izvoda iz sudskog registra za „PolyPlan BH“ d.o.o. Sarajevo, broj: 065-0- RegZ-17-003403 od 27.4.2017. godine; Aktuelnog Izvoda iz sudskog Registra za „OSNAP“ d.o.o. Sarajevo, broj: 065-0-RegZ-17-002504 od 30.3.2017. godine; Aktuelnog Izvoda iz sudskog registra za HMD Architects d.o.o., broj: 065-0- RegZ-17-003151 od 19.4.2017. godine; Aktuelnog Izvoda iz sudskog registra za T&E d.o.o., broj: 065-0-RegZ-17-002597 od 3.4.2017. godine; Aktuelnog Izvoda iz sudskog registra za „Walter“ d.o.o., broj: 065-0-RegZ-17-002585 od 3.4.2017. godine; Aktuelnog Izvoda iz sudskog registra za Electra d.o.o. Sarajevo, broj:065-0-RegZ-17-000694 od 20.7.2017. godine; Aktuelnog Izvoda iz sudskog registra za „UNISAR“ d.o.o. Tuzla, od 10.5.2017. godine; Aktuelnog Izvoda iz sudskog registra za „NORMAL ARHITEKTURA“ d.o.o. Sarajevo, broj: 065-0-RegZ-17-002544 od 31.3.2017. godine, Aktuelnog Izvoda iz sudskog registra za „STUDIO NON STOP“ d.o.o. Sarajevo, broj: 065-0-RegZ-17-002574 od 31.3.2017. godine; Zapisnik sa Osnivačke Skupštine Udruženja od 22.6.2017. godine; Odluku o osnivanju Udruženja, broj: 01/17 od 22.6.2017. godine; Statut Udruženja, broj:02/17 od 22.6.2017. godine u dva primjerka; Odluke osnivača o osnivanju Udruženja „BIM ALIJANSA“; Odluku o imenovanju članova Upravnog odbora, broj: 06/17 od 22.6.2017. godine; Odluku o imenovanju lica ovlaštenog za zastupanje udruženja u pravnom prometu, broj: 04/17 od 22.6.2017. godine; Odluku o imenovanju predsjednika i dva podpredsjednika Skupštine Udruženja, broj: 03/17 od 22.6.2017. godine; Odluku o imenovanju predsjednika Udruženja, broj: 05/17 od 22.6.2017. godine; otisak znaka Udruženja, ovjeren prijevod naziva Udruženja na engleski jezik; ovjerenu kopiju lične karate osnivača i osobe ovlaštene za zastupanje Udruženja, ovjeren potpis lica ovlaštenog za zastupanje udruženja u pravnom prometu i dokaz o uplati administrativne takse.

Na osnovu činjenica utvrđenih u postupku, proizilazi da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis u Registar Udruženja „BIM ALIJANSA“ kod Ministarstva pravde Bosne i Hercegovine, pa je doneseno Rješenje kao u dispozitivu.


Na ovo Rješenje naplaćena je administrativna taksa u iznosu od 200,00 KM, za upis u Registar udruženja u skladu sa članom 33. stav 2a. navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.

Dostavljeno:

- Kemal Alečković,  
ulica Branilaca Sarajeca 21, 71 000 Sarajevo  
(za: Udruženje „BIM ALIJANSA“)  
s ovjerenim Statutom Udruženja, broj: 02/17 od 22.6.2017. godine;
- Zbirka isprava;
- JP NIO „Službeni list BiH“.

  
MINISTAR  
Josip Grubeša